

Furmaziun professiunala da basa**Activitads****Commerziantas e commerziants lavuran en variads secturs economics repartids en 21 branschas e surpiglian en differents champs d'acziun incumbensas administrativas ed organisatoricas.**

Lur plaz da lavur è il biro d'ina interpresa che fa part da las 21 branschas da commerzi. Commerziantas e commerziants lavuran per exempel en l'administraziun publica, en interpresas da servetschs u da commerzi, en biros da viadi, assicuranzas e divers roms industrials sco chemia, alimentaziun, industria da maschinas, electroindustria, industria da metal u en secturs da sanadad u da fatgs socials. Era sch'ils champs d'acziun varieschan fitg, restan las activitads da basa da questa professiun fitg sumegliantas. Las lavurs principalas cumpiglian l'elavuraziun d'infurmaziuns, la communicaziun per e-mail e telefon e l'examinaziun ed execuziun dals pajaments. Quai includea per exempel da procurar per las infurmaziuns, scriver brevs da clientella u far ils pajaments da salari. Tut questas activitads succedan via computer.

Commerziantas e commerziants cun la scolaziun da basa (profil B) adempleschan in grond dumber d'incumbensas sco archivar documents da fatschenta ed exequir il traffic da pajaments. Els/ellas infurmeschan a bucca il persunal e la clientella, distribueschan la posta, pacheteschan e franche-schan brevs e pachets e creeschan registers d'adressas u autras bancas da datas.

Commerziantas e commerziants cun ina scolaziun extendida (profil E) han ina gronda independenza entaifer l'interpresa. En tschertas branschas èn els integrads en las fatschentas dal di, stattan en contact direct cun la clientella ed exequeschan incumbensas. Lur activitads includan procurar per las infurmaziuns, organisar occurrenzas e protocollar discussiuns. Ultra da quai scrivan ellas notizias d'acta, studegian documents da fatschenta e dattan enavant infurmaziuns als posts responsabels. Commerziantas e commerziants èn mintga di en contact – via internet u telefon – cun la clientella naziunala u internaziunala e cun firmas da furniziun. Perquai vegn dà gronda paisa a bunas enconuschientschas da la lingua materna e da linguas estras a bucca ed en scrit.

La scolaziun è identica per tut ils profils. En cas da prestaziuns insufficientas u prestaziuns excellentas pon ins midar il profil durant il temp da scolaziun.

Champ prof. 17
Economia
Administraziun**Scolaziun****Basa**
Ordinaziun fed.
26-26-09-2011**Durada**
3 onns / 4 onns (HMS)**Profil**
- Scolaziun fundamentala da basa (profil B)
- Scolaziun fundamentala extendida (profil E) /profil E cun matura professiunala
Midada en profil pli aut u pli bass è pussaivla**Emprendissadis**
en ina da las 21 branschas**Furmaziun scolara**
- 1. / 2. onn: 2 dis l'emna en la scola professiunala
- 3. onn: 1 di l'emna / cun matura prof. (MP) 2 disRoms professiunals:
lingua da standard (tudestg) / 1
lingua estra (profil B) resp. 2
linguas estras (profil E);
infurmaziun / communicaziun /
administraziun; economia e
societad**Curs ordaifer il manaschi**
davart differents temas**Matura professiunala**
pussaivla durant la scolaziun da
basa mo cun il profil E**Furmaziun alternativa**
- Scola media commerziuala cun MP:
3 onns scola/1 onn praticum
- Scola commerziuala: 2 onns scola/1
onn praticum**Finiziun**
attestat federal da qualificaziun

Premissas

- Furmaziun preliminar**
- Profil B: scola primara terminada; stgalim superiur cun prestaziuns suffizientas u stgalim mesaun cun bunas prestaziuns en ils roms centrals
 - Profil E: scola primara terminada, stgalim superiur cun bunas prestaziuns u stgalim mesaun ed onn supplementar cun bunas prestaziuns en ils roms centrals
 - matura professiunala: scola primara terminada; stgalim superiur cun fitg bunas prestaziuns; examen d'admissiuns SMP reussì
 - Per tut ils profils: scriver cun la tastatura (l'abiltad sto vegnir acquistada avant ch'entschaiver l'emprendissadi)

Pretensiuns

- interess per lavurs commerziala.
- abiltad da s'exprimer a bucca ed en scrit
- conuschientschas .da linguas estras
- bun dun receptiv
- fidadad
- plaschair da contact
- dun d'organisar
- flair per las cifras
- senn da responsabladad
- plaschair da lavurar al computer
- independenza

Scolaziun supplement.**Curs**

Purschidas da las scolas professiunalas, da centers per la scolaziun supplementara e da federaziuns professiunalas ed interprofessiunalas

Examen professiunal (EP)

cun certificat professiunal federal:
spezialist/a en il sectur da finanzas e da contabilitad, spezialist/a da marketing, spezialist/a HR, assistent/a da direcziun, fiduziar/a etc.

Examen professiunal superiur EPS

Expert/a dipl. en facturaziun e controllig, directur/a da marketing, directur/a en Human Resources, directur/a dipl. en il commerzi extern, fiduziari/a dipl. d'immobiglias etc.

Scola spezialisada superiura

Administratur/a da banca dipl. HF, administratur/a d'assicuranzas dipl. HF etc.

Scol'auta spezialisada

Bachelor of Science (FH) en economia da manaschi, Bachelor of Science (FH) en inschigneria d'economia etc.

Relaziuns da lavur

Commerziantas e commerziant èn emploiads en in'interpresa pitschna u mesauna (KMU) u en in grond concern. Els/ellas pon eleger or da 21 branschas il champ da lavur che correspunda il meglier a lur interess. Il plaz da lavur po esser in biro individual d'in manaschi d'artisanadi u era in biro grond d'ina banca. Infurmaziuns davart las branschas chattais vus sut il link en la rubrica "Ulteriuras infurmaziuns".

Las cundiziuns da lavur varieschan tut tenor la bransch, l'interpresa u la funcziun. I dat bieras pussaivladads da sa perfecziunar, sa spezialisar e da far carriera. Confurm a l'interess e las abiltads èsi pussaivel da sa perfecziunar en secturs sco economia da manaschi, vendita, marketing, linguas estras, human resources etc.

Ulteriuras infurmaziuns

Infurmaziuns generalas sin la pagina web da las organizaziuns da tetg sut la rubrica "Kaufmann/-frau EFZ":
www.kv-schweiz.ch
www.skkab.ch www.rkg.ch

Infurmaziuns generalas:
www.berufsberatung.ch

Tschertga plazzas d'emprendissadi:
www.berufsberatung.ch/lehrstellen

Professiuns parentadas

Champ professiunal/SD

Assistent/a da biro EBA	17	0.611.85.0
Mediamaticher/-cra EFZ	19	0.561.13.0
Informaticher/-cra EFZ	19	0.561.28.0
Spezialist/a da commerzi en detagl EFZ	16	0.613.45.0

